

Illustrissimo atq; Excellentissimo
Domino, Domino
ALEXANDRO
SAPIEHA
Comiti

in Bychov, Zaslav, Druja, Dąbrowna, Ho-
ry, Horki, & Lojovo,
CASIMIRI & CAROLINÆ de RADIVIL-
LIIS S.R.I. Principibus, Præfectorum Ge-
neralium Armamentarii Magni Ducatûs
Litvaniæ,

FILIO,
ALEXANDRI PAULI & Mariæ de
BETHUNE Marchionissæ, Supr: Ma-
reschallorum Magni Ducatûs Litvaniæ,

NEPOTI,
CASIMIRI PAULI & CHRISTINÆ de
Hleboviciis Palatinidis Vilnensis, Vilnen-
sium Palatinorum & Supr: Ducum Exer-
cituum M. D. L.

PRONEPOTI,
A PAU-

PAULI JOANNIS & ANNÆ de KOP-
CIIS Castellanis Novogrodenfis, Palati-
norum Vilnensium & Supr: Ducum Exerc:
M. D. L.

JOANNIS PETRI & SOPHIÆ de Vey-
heris Palatinidis Culmenfis, Supr: Du-
cum Exerc: Magni Ducatüs Litvaniæ,
PAULI & ANNÆ de CHODKIEVICIIS
Castellanidis Vilnensfis, Castellanorum Ki-
jovienfium,

THEODORI & JULIANÆ de Duci-
bus Lukumlemfibus, Ducum in Chrzcz-
nov Severiæ,

BOGDANI five THEODATI SIMEO-
NIDIS & MARIÆ de Ducibus Severiæ,
Palatinorum Smolenfcenfium,

SIMEONIS SUNIGAILONIS Castel-
lani Trocensfis,

PUNIGAYLONIS SOPHIÆ Castellani
TROCENSIS,

NARIMUNDI Pinscensfis &
Mozyrenfis Ducis,

GEDIMINI M. Ducis Litvaniæ,
VI-

VITENIS Columniadæ Ducis Litva-
niæ,
ABNEPOTI,
Urbem Provinciæ suæ princi-
pem ingredienti
PALATINO POLOCENSI.



N isto Procerum, hinc te co-
mitantium, illinc tibi Pala-
tinam ingredienti Urbem
prodeuntium obviam, tam
frequenti concursu, cum te
omnibus benignè impertis,
ad nos quoq; cætum hunc nomini tuo in primis
addictū PALATINE ILLUSTRIS-
SIME oculos, quæsumus, animumq; adverte. Non
hic te tuīs laudibūs morabimur: videmus
enim quantum jam istis opibus circumfluas:
ipsius nos communis lætitiæ hujus interpre-
tes, quid scilicet hic populus, quid civitas,
quid isti de tuo adventu Quirites gratulen-
tur,

*tur, ecquid Societas nostra hodie tibi à
Superis preceatur, ac speret, explicaturi,
admitti cupimus. Id ipsum quò expeditius
sit, notis pro verbis utimur. En libellum
tuo Palatini nomine insignem, voluntatis
erga te nostræ internuncium. Excipe in-
terpretem hunc eâ benevolentia Senator,
quâ nos tuî studiosissimos SAPIEN-
tiosos putas. Id cum universa Provincia
sua Litvanâ etiam atq; etiam à te pre-
catur*

**Illustrissimo atq; Excel-
lentissimo Nomini Tuo**

Devotissimum

**Collegium Polocense
Societatis JESU.**



DE omnibus fere, quotquot unquam gloriosi gentium domitores egerunt, triumphis, sunt, qui affirmare non dubitent, nullum adhuc neq; amplio-rem victori neque jucundio-rem genti patriæ hoc uno obtigisse, quem hodie *Palatine Illustrissime* in hanc urbem, universa gratulante Provincia, deportasti. Fuerint quidem, ajunt, complura in illis victorum ornamenta: trophæa, triumphales arcus, phaleratæ, quibus se in Capitolia inferebant, quadrigæ, vincti ante currum duces, capta ex hostibus spolia, laureæ, murales, civicæ, obsidionales coronæ, oppidorum simulacra, gestientium occurrationes civium, plausus, acclamationes,

nes, victimæ; tamen ea quoq; magnam partem fuisse scimus, quæ huic splendori suam offunderent caliginem, festasq; cum infestis vocibus confunderent: illa scilicet captivorum lamenta, peremptorum in acie non deplorata adhuc funera, illi matrum filios requirentium ejulatus, militum vulneratorum gemitus, ære dirutorum questus, illa deniq; Imperatorum laudem sibi omnem vendicantium superbia atq; hujus comes popularis invidia: ut propterea meritò dubitare possis, plus laudis sinceræ heròes illi an dedecoris & ignominia domum ex hostico retulissent. Longè omnino alia nobis hujus tui, SENATOR AMPLISSIME, triumphi ratio. Nullus hîc superbiæ, nullus querelæ, nullus invidiæ locus. Enimverò nihil te arrogare, ante omnium oculos est; ut qui non ultro te ingeras, sed electus, non oblatus, sed expetitus, ac ferò quidem, quod unum queri possumus, desiderantibus adveneris. Hîc jam, quanto nuper consensu te liberi Patriæ cives invitârunt, tanta hodie cum
læ-

lætitia urbem suam ingredienti occurrunt. En quæ se tibi quàm frequens obviam effudit celebritas! ut omnes certatim accurrunt: juvenes & viri, senes pariter ac pueri, teq; vix modò eminus conspecto, jam alacres sibi vicissim renunciant, venisse hospitem Illustrissimum, adesse electum nuper optatissimum sibi Principem, jam in urbem cum frequentissimo ornatissimoq; inferri comitatu. En, o tribules, quod tantopere desideravimus, atq; à DEO immortalis precati sumus, ecce *Palatinus* noster, ille Principis in Litvania carissimæq; domûs progenies inclyta, ille publicæ felicitatis divinum pignus, Provinciæ nostræ decus ac præsidium, ALEXANDER SAPIEHA, ingreditur! O Civitatem nostram universamq; Provinciam hoc nuncio fortunatam! O diem hunc singulari religione Providentiæ Superûm consecrandum! His atq; ejusmodi vocibus fora, plateæ, vici etiamnum personant, hoc ignes artificiosi in cœlû ferunt, hoc cōmunis lætitiæ nuncii ex vallis et propugna-

B2

cu-

culo tonitrus longè latèq; divulgant. In quo
tam præclaro tibi, quàm jucundo nobis u-
niversæq; Provinciæ huic triumpho ne
qui fortè rerum nostrarum ignari conve-
næ nos hoc ipso occupatos spectaculo in-
terpellent percontenturq; molesti, quid
sit, quòd gens hæc cæteris liberior, atq;
adeò in eligendis præsidibus fastidiosa &
aliàs discors, ad fasces suos, quorum jam
inde ab obitu Illustrissimi Donhoff Pala-
tini sui ac Ducis exercituum M. D. L. ne
spem quidem capessendorum ulli relique-
rat, te unum de tanto competitorum nu-
mero, te in isto ætatis flore, in quo tan-
tæ dignitatis fructum nemo unus præcer-
psit adhuc, te hoc ipso, quo primùm con-
spexit, tempore, tam libens invitaverit, tã
studiosè hodie excipiat; ne, inquam, mi-
retur aliquis, tum ut via quasi Appia cu-
pidis honorum, te duce, monstretur ad
gloriam, *operæ pretium duximus, vias cer-
tas sive rationes præcipuas, quibus & Pala-
tinus noster hodie, & universa Illustrissima
Domus sua de animis liberorum Patriæ Ci-
vium*

vium perpetuò triumphet, hoc ipso præconio nostro pervulgare. Boni consules officium addictæ immortaliter Illustrissimo nomini tuo religiosæ familiæ nostræ, gratôq; animô, quæ tua benevolentia est, excipies.

Difficilius nihil in omni dominatu suo experiantur, oportet, principes, usu rerum eruditi sint illi quamlibet, potentiaq; & opibus floreant, quàm in regnis, præsertim liberis, id effici posse, ut, quemadmodum jus in fortunas civium imperiumq; obtinent, ita eorum quoq; animis arbitrato suo utantur, quin congiariis etiam aliquando devinctos, faciles semper ac fideles in officio contineant. Quàm levi aura vulgus sit mobile, quàm contumax, præfidens, imperiosa suoptè ingenio, quantaq; religione observet immunitatum suarum apices omnes omnis gens libera, quis est, qui nesciat? Non eâdem certè ratione arbitria sua tractari patitur, qua rerum moderandarum cæterarum habenas, nec flecti se pariter regi; finit libertas, atq; ipsa, illa M. T. Ciceroni re-

C

rum

rum humanarum domina, fortuna: quam interdum, si primis obluctetur consiliis, ac porro obniti pergat; capillis utiq; pertinacem, quod rei politicæ magister non nemo docet, in sententiam pertraxeris: cum liberorum benevolentiam civium multis neq; munera neq; officia concilient. Atq; hoc rei caput est, **SENATOR ILLUSTRIS**, quod jam inde à principiis hujus Provinciæ Palatinos suos vix decem & octo recenseas omnes, cum in aliis, quibus scilicet imponuntur non eliguntur Præsides, per idem tempus sexcentos facilè numeremus. Quid est verò, quod ad eam dignitatem, ad quam paucis admodum aspirasse, nedum ulli ex omni familia sua hujus muneris hæredem reliquisse licuit, vobis aditus tam facilis pateat, ut tertium jam hodie ex **Illustrissima SAPIEHARUM** Gente Civitas ista Palatinum suum, tanta tam admirabili consensione electum, tam illustri voluntatis suæ professione exceptum, consalutet? Sexcentæ sunt quidem hujus rei causæ, atq;
aliæ

aliæ quidē vobis cum cæteris Principibus communes, quas, ut ne à proposito longiùs abeamus, ultro omittimus: aliæ præter cæteros Illustrissimæ Genti Vestræ præcipuæ ac singulares: *merita scilicet vestra in religionem, Patriam, & cives immortalia: nempe studium religionis sinceræ perpetuum: fides in administrandis Reipublicæ muneribus probata semper ac sapientia, suavissimæ deniq; illæ animorum illecebræ: comitas cum dignitate conjuncta & proluxa in omnes liberalitas.* Hæc aimus, Palatine Illustrissime, tibi tuæq; Familiæ ad honores imprimis suffragari.

Quæ una feliciter provincias & regna sanctis legibus còercet ac regit, ea sine dubio imprimis Domum vestram tot seculis incolumem florentemq; conservat, ac novis in dies incrementis amplificat, vera eaq; jam olim per SIMEONEM SUNIGAYLONEM Norimundicæ Puni-gaylonis Filium Castellatum Trocensem, unum è Majoribus vestris à vobis suscepta religio, nullis adhuc temporibus,

ne iis quidem, quibus in Patria per homines pestiferis de religione opinionibus imbutos divina passim humanaq; promiscue haberentur, ab ullo vestrum violata, quin etiam mirifice aucta ac propagata. Nam quod ipsos Palatinos Castellanosq; octoginta & amplius, quod religiosissimos Sacrorum Antistites, præter Illustrissimum JOSEPHUM SAPIEHA Diocæsareæ Præfulem ac Vilnensis Pontificatus cum successione nuper Vicarium, duos: PAULUM scilicet & ALEXANDRUM, Vilnensem hunc, Samogitiæ illum, Episcopos; quod quinque ipsos exercituum M. D. L. summos Duces: PAULUM JOANNEM, LEONEM, JOANNEM dictum fulmen belli, CASIMIRUM PAULUM Palatinum Vilnensem, & JOANNEM Castri Bobroiscensis Præfectum; quod primis in Republica insignes muneribus Illustrissima Domus vestra in toga & sago Ministros infinitos pœne recenseat; quod Nominis vestri dignitas eò provecta sit, ut non modò principes in
Pa-

patria familias, illas antiquitate generis,
muneribûs, rebûsq; præclarè gestis incly-
tas; sed Reges etiam tum Poloniarum ex
Jagellonica stirpe ortos, tum Galliæ, An-
gliæ, Portugalliæ per MARIAM de Bethu-
ne Serenissimæ Poloniarum Reginæ MA-
RIÆ neptem, ALEXANDRI PAULI SA-
PIEHA Mareschalli M. D. L. Conjugem,
tum quidquid decorum per venas regii
sanguinis à GEDIMINO Columniade usq;
familix vestrx Principe, manavit, quòd,
inquam, totum id Augusta Domus vestra,
tanquam sua decora complectatur, no-
visq; accessionibûs augeat, totum id reli-
gioni imprimis vestrx tribuendum. Siqua
enim est virtus, cui à DEO immortalipro-
posita sunt præmia; huic certè, quæ in
procuranda ejus gloria versatur, amplissi-
ma, oportet, deferantur. Neq; enim infi-
nita illa in mortales liberalitas commit-
tere potest, ut aliquando humana erga se
pietate superetur. Rationem itaq; me-
ritorum vestrorum à Superis haberi ipsa
luce clariùs videmus. Nimirum non pla-

D

ce-

cere DEO non possunt illa in æternum
duratura pietatis vestræ monumenta, il-
læ regiûs impensis exædificatæ Divis Basi-
licæ, *Vilnæ, Beresæ, Brestæ, Ostrovnæ, Sapie-
żyni, Sokali, Zyroviciûs, Mobiloviæ, Kossovi,
Siemiaticûs, Rozanæ, Orsæ, Bielicæ, Drujæ,
Bogdanoviæ, Codnæ, Visnici, Grodnæ, Ma-
ciejoviæ, Ciemkoviciûs, Czerejæ, Bockovi,
Biesienkoviciûs, Horcûs, Dorobostaii, Czarno-
byliæ, Lennæ, Holszanûs, Telsiûs, Derebi-
czynii, cæterisq; pluribûs per Litvaniam,
Russiam, Poloniam locis templa & domi-
cilia religiosis familiis, excitata. Religio i-
taq; studiosos adeò sui majores tuos ad e-
os honores provexit, & cum gentibus in
Europa principibus affinitatum vinculis
conjunxit: religio Domum SAPIEN-
TIAM tamdiu fartam tectam conservat
ornatq;: religio tibi hodie, nominis pari-
ter & gloriæ hæredi amplissimo, civium i-
storum animos conciliat. Amant nimirum
illi præstantes religionis studiô principes,
talesq; sibi deposcunt præsides: ut qui
omnium fere in hac regione primi, ab-
jecto*

jecto simulacrorum cultu, Christianis se
sacris addixerunt, primiꝑ; ad suos limi-
tes adversus religionis & reipublicæ ho-
stes evigilant. Neminem autem fugit,
quantô studiô Majorum tuorum pieta-
tem æmuleris, quàm innocenter sanctèq;
primam ætatem traduxeris, vivô illo sa-
pientiæ & sanctitatis oraculô, **ILLU-
STRISSIMO JOSEPHO SAPIEHA**, Pon-
tificii **nuper** per diœcesim Vilnensem mu-
neris **ADJUTORE**, Patruo, Tutore atq;
Educatore tuo, ad omnem morum non
modò honestatem, sed sanctitatem etiam
ab extrema jam pueritia institutus. Sic tu
in Palatinis suis ædibus virtutum & sa-
pientiæ alumnus versabaris, ut, cùm te
domi in umbraculo adhuc inter libros la-
tere putares, clariùs hinc, quàm è sua cry-
stallina Drusus specula viderere; atq; hic
te observandum filiis parentes, magistri
discipulis, tanquam perfectissimum æta-
tatis istius exemplar, proponerent. Vi-
dete, monebant, videte adolescentem ju-
venes, in ea fortuna tam ampla natum, in

D2

ista

ista rerum expetendarum copia Principem, quæ suæ vitæ ratio, quàm exoptandô vobis utatur institutô! ut ille divinis rebus maturè studet! ut ad omnem vitii umbram cautus & circumspectus agit! quæ verecundia, illud ætatis vestræ ornamentum maximum, renidet in vultu! quàm prudens & castigatus sermo! quàm alacer & expeditus ad omne pietatis officium animus! Sic te ille, fide rebus divinis sermonem instituas, audit, sic Cœlites amat & colit, sic, dum Sacerdos operatur sacris, libens adest ac supplicat, sic ædium sacrarum splendorem lætus intuetur, sic deniq;, quidquid sinceræ adversatur religioni, execratur & fugit; ut, qui futurus sit religionis vindex, quantis muneribus Majorum suorum cumulaturus sit impensa in rem Divinam dona, jam hodie videamus. Peragrans interim ea patriam fama, cum omnes aliæ te rerum suarum Præsidem optarent, quæ cæteris liberior annos complures secum disceptabat, quem sibi unum è studiosis rerum Divinarum

Prin-

Principibus ad gubernaculum deligeret, Provincia, rumoribûs de te passim dissipatis excitata, ad te demum oculos animumq; retulit, tantumq; placuisse te sibi atq; electum, quantum inter candidatos propositum fuisse, intererat. Fruere jam tuo isto tam excellenti bono, o Polocia, Provinciarum nobilissima, atq; hoc Duce adversus gentes religionibûs nostris iniquas utere felix, ac triumphas. Revocabuntur illa (sic nos & pietas vestri Principis & vestra religionis veræ studia sperare jubent) revocabuntur illa tempora, quibus sic floruistis, ut opes vestræ, quod narrat Cromerus, ipsius etiam, urbium nostrarum Principis, Vilnæ divitias superarent.

Alterum est, quod vobis tam præclare de religione meritis complanet ad honores ac muniat viam, *amor Patriæ & fides in administrandis Reipublicæ muneribus sapientiaq; singularis*. Meminimus adhuc, neq; enimvero universa posteritas non recordari poterit ejus præter alia tantæ tam in-

E

fi.

signis fidei, quam olim Casimiro Polonia-
rum Regi & universæ Patriæ præstitistis.
Expugnârat infestis armis Smolenscum
Rossus, regionemq; universam in ditio-
nem redegerat. Res eò loci vobis for-
tunæq; erant amplissimæ. Retinere to-
tum, ipso vos hoste ad id invitante, cum
dignitate poteratis: neq; enim hoc pactô
vos Rossia, quo aliquando græcum The-
mistoclem Persia, Cives esse Ducesq; su-
os optabat, ut scilicet arma secum adversus
patriam aliquando conjungeretis: fatis illa
sibi gloriæ duceret; si Gentem vestram
inter Principes suorum familias numera-
ret. Maluistis nihilominus, accisis etiam
rebûs vestris, fortunæ, quæ vobis usquam
gentium faveret, nuncium remittere,
quàm abstracti è gremio sinuq; patriæ in
summa rerum copia imperare. Fundos
itaq;, castella, urbes vestras, cæteraq;
Danaûm illorum dona ultro ac sponte di-
misistis. Hic jam in Patria quæ pro aris
& focus pericula subiistis herôes, quot
quantaq; bella suscepistis Duces, quàm il-
lu-

Iustribus victoriis prælia Imperatores con-
 fecistis! Tricies ipse **ILLUSTRISSIMUS**
JOANNES PETRUS SAPIEHA *Capi-*
taneus Usviatensis Dux Exercituum Litva-
niæ summus cum innumeris gentium copiis,
 apud *Kokonhausum, Kircholmum, Derpa-*
tum, Troiciam, Borouscum multisq; locis
 aliis Imperator conflixit, totiesq; de ho-
 stibus, insigni strage edita, triumphavit.
 Quot quantisq; trophæis ornavit Do-
 mum patriam Heroum ille facile Prin-
 cept, **ILLUSTRISSIMUS PAULUS JO-**
ANNES SAPIEHA *Palatinus Vilnenfis*
summus Dux Exercituum M. D. L. pri-
 mum quidem, Vladislao IV. Poloniarum
 Rege, apud *Smolenscum & Albam illam*
Ducalem, tum, luctuosissimis illis, JO-
ANNE CASIMIRO ad clavum sedente,
 Reipublicæ temporibus, *Dux Exercitu-*
um Summus ipsis in Castris electus, Rege
 & universâ Patriâ Suffragia militum ap-
 probante, quantas, inquam, ad *Berefte-*
cum, Pinscum, Brestiam, Lublinum, Leo-
polim, Varsaviam, Janoviam, Mielnicos,

Poloncam, Lachovicios, quàm immanes
Svecorum, Moschorum, Tartarorum, a-
liarumq; gentium passim populantium co-
pias fudit, eiecit, profligavit: quanta vir-
tute ereptam Litvaniæ à Sveco vindica-
vit Curoniam, atq; adeò ex faucibus ho-
stium eripuit: ut propterea *servatæ Pa-
triæ Pater* communi præconio vocaretur!
Quis deniq; vel numerando percenseat
illos, quos Illustrissimus LEO SAPIEHA
Palatinus Vilnensis Dux Exercituum &
Procancellarius M. D. L. in Moschovia,
priusquam eò, ad occupandum Russiæ so-
lium, Vladislauum Poloniarum Regem de-
duxisset, quos apud Toropetum, Zavo-
lociam, Ostroviam, Plescoviam, Rigam,
Duneburgum, Avikstum, Cratzburgum,
Lutzenum, Marienhaussum, Retssenum,
Selborgum, Garacmoissam, adversus tum
Sveciæ tum Moschoviæ exercitus; quos
CASIMIRUS PAULUS SAPIEHA Pala-
tinus Vilnensis Dux item Exercituum
Summus in Podolia, Moldavia, Taurica
Chersonesso; Illustrissimus MICHAEL
Co-

Comes Præfectus Stabuli M. D. L. CASIMIRI Palatini Vilnensis Filius ad Bellogradum, Petrovaradinum, Tiffam & Begam, Cæsarearum, deinde in Transylvania patriarum legionum Ductor; Illustrissimus FRANCISCUS SAPIEHA Præfectus Stabuli & Armamentarii M. D. L. ille *omnium militum amor, omnium armorum miles* vulgò appellatus, in Hungaria ad Oraviam, in Podolia ad Chotimum; Illustrissimus CASIMIRUS PAULUS SAPIEHA Palatinus Vilnensis & Dux Supremus Exercituum M.D.L. in Moldavia, Turcia, Podolia, Ucraina; quos JOANNES SAPIEHA Castri Bobroiscensis Præfectus, formidolosus ille Rossis Achilles, sexcentiq; alii nominis vestri Heròes, quot triumphos de infestis Patriæ gentibus celebraverint; nimium quàm prolixum est, omnium singillatim meminisse. Hæc qui tanta tam illustria tuorum in patriam merita recordantur, fieri nequit, quin te hujus gloriæ pariter ac Nominis Hæredem magni faciant, tuis laudibus faveant, tuo ho-

F

no-

nori studeant; si præsertim ad ea mentem advertant, quæ virtus tua animusq; ad ardua quæq; erectus & alacer, atq; ea ipsa, quibus primam adhuc ætatem exercebas, studia, quàm prolixè de te Patriæ promittant. Ut ex solis ortu, quæ reliqua cœli futura sit tempestas, conjectamus, sic ex primis adolescentiæ annis, quid porrò Patria sibi polliceri possit, divinare est facile. Atqui novimus, præter virtutem & literas, quibûs tempus omne tuum transmisisti, nullum tibi negotium jucundius, quàm sit castrensis militum occupatio. Hos tibi educi in aciem, erudiri exercitatione umbratili ad prælia, manus cum adverso agmine conferere, vibrare tela, cæsim punctimq; ferire, gladiis cominus, eminus jaculis rem gerere, tormenta ad certum ictum destinata librare, producere, collatare, procurrere, subsistere, circumire, resistere, mutare in cornu pugnam, dissimulare, deniq; laceßere, vincere, fundere, triumphare: hi tui, PRINCEPS, ludi, hæc victoriarum, quas tua
vir-

virtute futuras sperat Patria, præludia.

Est præterea alia nec Principibus indigna & tibi familiaris animi remissio: venationis scilicet studium; cujus laudem quàm plurimi, Imperatores etiam, affectant. Enimverò exercitatio corporis utilior aut honestior nulla, quàm laboriosa quies & negotiosa otii species venatio: utpote idoneum prælii simulacrum, disciplinæ bellicæ tyrocinium. Quid enim est, succinctum armis ad cornua lituosq; per campos saltusq; volitare, transilire fossas, interclusos virgultis penetrare aditus; invia loca latibulaq; perrumpere, excutere ferarum cubilia, persequi fugientes belluas, agitare, conjicere in plagas, interficere? quid hoc, inquam, nisi, quod ait Cicero, utilissima rerum bellicarum meditatio? Quô pactô certè præstas, ut, quos Imperator aliquando persecuturus sis hostes, quæ contempturus heros pericula, non Delphico tripode nobis sit opus, interea, dum otio Patriæ frui licet, lætos pacis atq; uberes fructus, quos

F2

tua

tua sapientia Provinciæ hujus moderatrix
feret,percepturis.Eflorescet interim pul-
chrius suis doctrinæ laudibus Gymnasii no-
stri juvenus:neq; enim ulli deinceps oblan-
gvescere ignaviâ licebit, tua ipsius, stu-
diis omnium optimarum artium exculti,
auctoritate ad amorem litterarum adhor-
tante, quarum suffragiô tantum hodie
consequutus es præmium. Tum verò con-
tuentibus te nobis illud in mentem ve-
niet continuo, dulces quidem esse hono-
ris fructus, eos tamen à nemine decerpi
posse maturius, quàm ad ejusmodi munus
multum facultatis industriæq; præter in-
dolem idoneam attulerit. En Principem
(responentes se hi atq; illi vicissim com-
monebunt) en peradulescentem adhuc,
si ætatem quidem, quòd si rei politicæ, si
disciplinæ bellicæ, si legum & consvetu-
dinū, historiæ & cosmographiæ; si cætera-
rum deniq; cum sibi tum Reipublicæ ar-
tium utilissimarum scientiam spectes; jam
diu dignum, qui inter Patres Conscri-
ptos,

ptos, Reipublicæ regendæ Duces Amplif-
simos, censeatur. Hæc cùm de te cogita-
bunt, & usurpabunt sermonibus, redi-
bunt in memoriam identidem sapientissi-
mi Majores tui, quibuscum Sapiaientia sic
laudes suas communicat, ut idem SAPIE-
HÆ & SAPIENTIÆ nomen habeatur: re-
cordabuntur etiam antiquissimorū illorū
Principum ex Illustrissima gente vestra
à prima stirpe bifariam, hinc per THEO-
DATUM SAPIEHA Smolenscem, illinc
per JOANNEM PODLACHIÆ, Palati-
nos, germanos ex SIMEONE SUNIGAI-
LONE SOPHIA Castellano Trocensi Fra-
tres, in familias, quemadmodum mundus
aspectabilis in sua hemisphæria polosq;, di-
stributa: recordabuntur, inquam, illorū
Sapientissimorum Ducum: CHRISTO-
PHORI SAPIEHA Notarii M.D.L. per
antonomasiā *eximium omnis eruditionis
exemplar* nuncupati, JOANNIS STANI-
SLAI SAPIEHA Supremi Mareschalli M.
D.L. *os aureum Sarmatiæ* dicti, MICHAELIS
SAPIEHA Palatini Podlachiae ac de-

G

mum

mun Procellarii M. D. L. ALEXAN-
DRI PAULI SAPIEHA Mareſchalli M.
D.L. Avi tui, præter alias ingenuas artes,
Philosophiæ & Matheſeos ſcientiâ com-
mendati, cujus laudes nulla oratio noſtra
digniùs tractaverit, feliciuſq; expreſſerit,
quàm ſuum de marmore loquatur monu-
mentum, quod parenti ſuo æquèatq; in
parentē gratus filius Illuſtriſſimus JOSE-
PHUS SAPIEHA Dioceſareæ Pontifex
Coadjutor Vilnenſis in ſuo Antecollenſi
templo mærens poſuit. Haſ immortalis glo-
riæ notas excipiant, velim, conſequētes an-
ni, omniſq; legat poſteritas: D. O. M. ALE-
XANDRO Comiti in Bychov, Zaſtav, Da-
brownna & Sapiezyn SAPIEHA Supremo
Mareſchalco M. D. L. Volpenſi, Gulbinenſi,
Rabſztynenſi Præſecto, quē LEOPOLDUS
& JOSEPHUS Imperatores, ſingulari fa-
vore proſecuti, ornârunt titulò Principis
S. R. I. quò per obſervantiam patriarum le-
gum, JOANNEM SAPIEHA Supremum
Mareſchallum M. D. L. Atavum & Majo-
res ſuos imitatus in Polonia, uſus non eſt: JO-
AN-

*ANNES III. Rex Poloniae, cum decimum
nonum annum ageret, Marescallum Curiae
M. D. L. creavit: vivam Bibliothecam vo-
cabat: sibi affinitate junxit, dum ipsi in vita
Sociam dedit MARIAM ex Ducali Bethu-
norum Domo ortam Consortis suae MA-
RIÆ CASIMIRÆ germanam ex Sorore
Neptem: AUGUSTUS II. Rex Poloniae,
qui ejus virtutes tam magni aestimabat, quem
JOANNES III. amaverat, Marescallum
Supremum M.D.L. & Equitem Aquilæ Al-
bæ fecit. Vir, cujus gravitas morum autho-
ritatem, modestia, mansuetudo, comitas, ani-
mos cunctorum conciliabant ita, ut etiam ab
his aestimaretur, quos, bonum publicum de-
fendens sibi inimicos fecerat, nemini in vita
injurius, omnibus affabilis Minister Statûs:
qui Regum favorem prudentiâ consiliorum,
concivium amorem, Reipublicæ jura & liber-
tatem fortiter tuendo, meruit: qui multarum
linguarû peritiâ, eruditione rara & assidua li-
brorum lectione comparata, eximiâ eloquen-
tiâ, singulari rerum notitia, prudentia insi-
gni præditus, ingentes ingenii opes in publi-*

cam utilitatem dispensabat: magna in rebus
gerendis dexteritate excellens; unde, ad tra-
dandū cum exteris in gravissimis negotiis Rei-
publicæ adhibitus, semper id cum gloria gentis
præstitit: Curlandiæ Status, à Rege & Repu-
blica missus, in officio continuit: officio Mare-
schalli M. D. L. pari prudentia ac justitia fun-
ctus est: Ministerii hujus auctoritate consiliū,
ut hæretici ab officiis publicis arcerentur, ful-
ciens: Sædarium pertinaciter se Nuncium
venditantem ex Senatu ejecit, frementibūs
cum fautoribus acatholicis: inde ab Episcopa-
li Collegio ipsi publicè gratiæ actæ sunt. De-
mum magis laboribūs quàm ætate fractus, qua-
driennio ante obitum apoplexiâ correptus,
totum hoc tempus pietati impendit Philoso-
phus Christianus, ut morte justorum vitam
laudabiliter gestam terminaret. Totâ vitâ, ma-
ximè instantibūs fatīs, pius in Ecclesias, & in-
pauperes liberalis, Sacros altaris Ministros
multo honore prosequens; quorum conversa-
tione plurimum delectabatur: Revocabūt cū
his in memoriam laudes CASIMIRI LEO-
NIS SAPIEHA Procancellarii M. D. L. cuj9
infi-

infigni beneficiô Academiæ Vilnensis bi-
bliotheca est aucta. Et cum alios atq; alios
præstantes de gente Sapientum Principes
numerabunt, recurrent commemora
identidem consecrata illa Religioni & Sa-
pientiæ Nomina: *Illustrissimus* Parens tuus
CASIMIRUS SAPIEHA Armamentarii
M.D. L. & Volpinensis, Punensis, Onixten-
sis, Rakâsciscensis, Lavariscensis Præfecto,
Aquilæ Albæ Eques, ille **AUGUSTI II.** Po-
loniarum Regis & communi præconio *Po-
puli Amor*, heroum desiderium, litterato-
rum præsidium, miserorum perfugium, il-
le omni ætate commemorandus Princeps,
qui operâ pœne omnē ad restituendâ, pro-
lapsâ jâ olim, militiæ disciplinâ, rectè insti-
tuendâ in aulis nobiliû Juventutem, pro-
movendum litterarum studium, præter a-
lia bene multa Reipublicæ causâ præclare
gesta, contulit: duo quoq; Principes illi,
Patrui tui clarissimi, inelyta illa consilio-
rû omnisq; doctrinæ reconditoris, Divina
planè oracula **MICHAEL SAPIEHA** M.
D. L. Procancellarius, & cujus hodie sine
mærore ac desiderio meminisse non possu-
mus,

H

mus,

mus, ereptus nuper Ecclesiæ Pontifex religioſſimus, Patriæ Miniſter Reipublicæ conſultiffimus, Familiæ Illuſtriſſimæ ſingulare decus, Religioſorum Ordinum cõmunis Pater, JOSEPHUS SAPIEHA *Dioceſareæ Episcopuſ, Diæceſis Vilnenſis Coadjutor, M.D.L. Referendariuſ.* Prædicabunt ſæpiuſ eximium utriuſq; ab ineunte ætate perpetuumq; Sapientiæ divinituſ ſibi deſponſæ amorem, quantum hic temporis hodie Superũ benignitate Patriæ bonõ incolumiſ, tribuat, quantum ille quoq; cùm ſe pariter hinc atq; illinc Reipublicæ negotia interpellarent, excutiendiſ Regni Provinciaruſq; tabulariis, veterũ recentiuſq; ſcriptorũ monumentiſ aſſignaret, conſtanterq; ad viriũ etiam defectionẽ, tribueret. Nemo hunc, nemo illum Principẽ inviſit, qui non doctior, aut non amantior utiq; litteraruſ rediẽrit. Ipſæ Ædeſ ſuæ (ita noſ veritas amet) ampliffimi cujuſdã Gymnaſii, publico bono aperti, ſpeciẽ habere videbantur, quò ſcilicet in difficillimiſ Religioniſ, Reipublicæ, litteraruſ, cauſaruſ, partiuſ negotiis, ut illi quondam veteres
ad

ad Aram Consi, aut ad tripodem Apollinis Delphici, Viri in Republica Principes, religiosi & quiq; litterarū amantes, cōfugiebāt frequentes, quid optimum factū, exquirebant, rationesq; suas ad consiliū Antistitis Sapientissimi accomodabant: ipsæ alterius ædes neq; ædes ipsæ, sed ipsa etiā diversantis hospitia plena sunt negotiorum domicilia, officiorum theatra, consiliorum receptacula: neq; tam frequentes ad *Ministrū Statūs Illustrissimum*, qui Regiæ beneficentiæ munera consignet, qui supplices fortunīs augeat, concurrunt, quā eum requirunt Principem, cuius sapientiā consiliisq; rei fortuna publicæ gubernetur.

Atq; hæc sunt quidem, PALATINE ILLUSTRISIME, quæ omnē in Republica honorē juris vestri sic faciunt, ut illi vobis ab æquis meritorum æstimatoribus negari non possint; in ista nihilominus libertate tam ampla vulgus quoq; rerū istarū non itē studiosū, ut libens consentiat, comitate præterea ac beneficiis animos, oportet, devincias: id quod certē cū per te ipse, tum per ILLUSTRISSIMOS MAJORES

H₂

tuos

tuos jam antè effecisti. Antiquū hoc suū obtinet in multis fortuna, ut inferiores fastidiat, despiciatq; eò facilius, quò gradū dignitatis tenet altiore. In vobis, quos Deus tantis & opibus auxit, & honoribus, efficere id non potest, ipsā illā excelsitate animi, suoptè ingenio, ad omne benignitatis officiū inclinante. Sic ad vos Supplicibus patent fores, ut excubiis ipsa præesse videatur humanitas, cum vos interea in penitralibus Reipublicæ negotia variis curis distringant. Hac invitante, vestrū in conspectū venimus: hac obviam prodeunte, excipimur: hac audientiā faciente, alloquimur: nemo ad postes vestros hæere diu aut ex atriensibus diligentius percunctari cogitur: quid demum Princeps? districtus an vacans animo? lætior an tristior? tranquillus an iratior? Neq; siquid orandum est, deterioris etiam fortunæ hominibus, verba argumentaq; sollicitè sunt conquirenda: cum alibi, ut olim Lugdunensem Oratoribus ad aram, sit perorandum. Dixisse hinc satis eos se esse, qui suam inopiam vestris beneficiis velint sublevare. Accurrunt itaq; frequentes,
ul-

ultroq; se vobis famulos addicunt quiq;
nobilissimi. Nimirum præter singularem
istam morum facilitatem benignitatemq;
vident, verissimum illud esse, quod jam
olim in cujusdam etiam proverbii consue-
tudinem venit: qui fortunatus beatusq;
esse cupit, ei satis fore, si vel ipsum Do-
mûs SAPIEHANÆ limen contigerit.
Tanta hîc regnat opulentia, tam profu-
sa in omnes cum benignitate largitas. Cir-
cumspice, quæso, ex eodem Palatinæ di-
gnitatis tuæ fastigio universam, quâ longè
lateq; patet, Litvaniam, quanta eorum,
qui egestatem suam vestris opibûs susten-
tant, imò verò qui per vos hodie re-
bûs omnibûs circumfluunt, multitudo:
quot hîc ex portoriis, scripturis, decu-
mis, alibi ex villis, oppidis & urbibus ve-
stris fructus percipiant, opesq; filiis suis
exaggerent: quàm multi spes suas facul-
tatesq; omnes in illis sitas habeant. Ne-
mo interim sic bonis vestris fruitur, ut
rebus suis metuat: nemo sive fiduciæ,
seu pignori, seu meritis suis, non satis

cautum apud vos putat: omnes in bonitate munificentissimorum Principum securè conquiescunt. Perspecta nimirum est omnibus benignitas vestra, quæ non rarò gratiam suam mavult sibi fraudi esse, quàm de se quisquam vel iniquè queratur. Atq; id est præter alia, quòd tam multos honoris vestri studiosos reperiatis, qui dignitatis vestræ causâ vitam etiam, si res postulet, hodie profunderè non dubitent. Id quod nuper non obscurò certè argumentò confirmârunt, cùm de idoneo ad munus PALATINI POLOCENSIS inter se disceptarent. Te enim primo, in illo controversiarum campo, ex omnibus candidatis proposito, ita animatos omnes fere fuisse scimus, ut, si qua pars tuis rationibus adversari voluisset; cum ea armis etiam sine dubio decertâssent. Verùm id mali longissimè, quæ tua est sapientia & amor civium, providisti. Nulla tibi quidem dividenda erant in populum congiaria, nulla spargenda munera, maturè tamen addictos no-

mini

mini vestro omni prohibiturus periculo,
ne qui fortè dignitatis vestræ & merito-
rum obliti turbas concire vellent; ipsa
largitate illa, quæ nomen etiam tuum
ubiq; comitatur, Superiorum beneficio-
rum omnium memoriam in populo exci-
tasti. Propensa scilicet ad largiendum atq;
innata vobis liberalitas contineri non
poterat, quin electus jam, ac perma-
nenter ab omnibus exceptus, benefi-
centiâ cum studiis amantium vestri civi-
um concertares. Simul ac te summum
Provinciæ hujus Præsidentem renunciatum
audivimus, conversis ad populum oculis,
simul vidimus hos atq; illos, ac si Tyrus
sibi & Sidon in prædam venissent, num-
mis rebûsq; quæ vix aliquis mortalium
non appetit, in vulgus sparsis, ut sua
cuiq; donum fors obtulit, auctos onu-
stosq; per urbem triumphare: quæ
cùm pro se quisq; quod cæperant, cer-
tatim legerent, cùm finis omnes do-
nâs implerent omnes, excidere tum illis
facilius poterant omnia, quàm vestra ex

animis aliquando suis largitas. Nam quis ita rerum suarum negligens, ut, si quis Deus, quod aliquando cupidis rerum Poëtis optâsse licuit, aurô pluat, rorem illum non alacer excipiat? Non jacent enimverò inter honestissimos etiam ea præsertim munera, quæ nec vi nec precario sibi obvenerint. Jam si liberaliter oblata placent; quis humanitatis adeò sit expers, ut non munerantem quoq; respiciat, & amet? Tantum apud homines agrestes etiam ac barbaros semper valuisse, scimus, ipsam beneficiorum memoriam, ut puteos etiam fontesq; de quibus haurire communem aquam licebat, foliis herbisq; redimirent. Itaq; quòd Principes Viri, in hac Provincia rerum arbitri, te ad munus istud deposcant, præter **ILLUSTRISSIMI** nominis tui dignitatem, religioni, amor patriæ, rerum bellicarum scientiæ & factis, singulari in administrandis publicis rebus fidei & sapientiæ, quæ omnia sic in tuis Majoribus effulserunt, ut in te quoq; quædam
læ-

læti spectemus, quædam speremus certò, acceptum referatur: quòd universus deniq; populus adeò honori tuo fa-
veat, suavissimis moribus tuis, prolixæ
in omnes voluntati, sapientiæ ad guber-
nandum natæ cæterisq; quæ gratiæ & na-
turæ vocamus dona, muneribus tribu-
endum. His itaq; suffragantibûs, invi-
tante populò, ascende jam fortunatus
eum honoris gradum, ex quo veræ
religionis vindex, Patriæ defensor, ci-
vium propugnator, rei literariæ pa-
tronus, minimæ deniq; *Societatis* no-
stræ tutor, commissam fidei tuæ ac sapi-
entiæ Provinciam tam diu divinò be-
neficiò incolumis gubernes, dum omnes
illos, quos à tribus amplius sæculis tum
hæc Provincia, tum universa Litvania ex
gente vestra **ILLUSTRISSIMA** in Se-
natu numeravit, hodieq; eos desiderat,
dignos immortalī gloriâ **ILLUSTRISSI-**
MOS Majores tuos in te nobis pietate,
meritis, honoribûs, gloriâ Senator Sa-
piens, Dux strenuus ac fortis Imperator,

K

di-

dignus præconio laudum omni Princeps
restitues.

Id siqui tibi, PALATINE ILLU-
STRISIME, si Civitas ista, si populus,
si Ordines religiosi omnes, si Familiæ te-
cum affinitatibus conjunctæ precantur,
ut decet, ex animo; minima omnium
Societas nostra, cum hoc suo Collegio
& universa per Litvaniam Provincia,
maximâs vestris obstricta beneficiis, ve-
hementius certè desiderat; DEUMq; im-
mortalem precibus orat, & nostrâ & Pa-
triæ & suæ religionis amplificandæ cau-
sâ fortunare ut velit. Sic certè fiet, ut,
& religio sanctitatum suarum propaga-
tores, & patria publicæ rei defenso-
res, & ordo equestris suarum immuni-
tatum vindices, & nos omnes, qui in
unam Societatem coivimus, rerum nostra-
rum tutores amantissimos habeamus.
Renascentur nobis præter alios munifi-
centissimi Principes illi: LEO SAPIEHA
Palatinus Vilnensis, Dux Exercituum M.
D. L. Summus: CASIMIRUS PAULUS
SA-